

ՄԻՔԱՅԵԼ ԾԱՅՐԱԳՈՒՅՆ ՎԱՐԳԱՊԵՏ ԱԶԱՊԱՀՅԱՆԻ ՔԱՐՈՁԸ՝ ԽՈՍՎԱԾ ԿՈՏԱՅՔԻ ԹԵՄԻ ԶՐՎԵԺ ԳՅՈՒՂԻ ՍՈՒՐԲ ԿԱԹՈՂԻԿԵ ԵԿԵՂԵՑՈՒՄ

(12 հուլիսի 1998)

Թաճուճ Հօր եւ Որդւոյ եւ Հոգւոյն Սրբոյ:

«Համղերձք զոմ քո, լեր մեր իշխան, եւ կերակուր մեր ընդ քեզ լիցի»:

«Դու վերարկու ունես, համղերձներ ունես, արի՛, մեզ իշխան եղիր, և թող մեր կերակուրը քեզ հետ լիցի» [և քեզանից լիցի] (ԵՍԱՅԻ Գ 6):

Այսօր Աստվածաշունչ մատյանից վերցված Եսայի մարգարեի այս խոսքերը մեկ անգամ ևս հնչեցին մեր ականջներին Պողոս Առաքյալի՝ Հոռոմեացիներին ուղղված նամակի և մեր Տեր Հիսուս Քրիստոսի ավետարանական հատվածի հետ միասին: Եվ եւ որոշեցի որպէս այսօրվա քարոզի բնաբան, նյութ և որպէս դաս ու խրատ վերցնել Եսայի մարգարեի հենց այն տողերը, որոնք այսօր դարձյալ հնչեցին, ինչպէս հնչել էին առաջին անգամ Հիսուս Քրիստոսից ավելի քան 700 տարի առաջ: Եվ ինչպէս Քրիստոս ասաց, թե երկինքն ու երկիրն անցնելու են, բայց Աստծո խոսքերը չեն անցնելու, այնպէս էլ Եսայի մարգարեի վերոհիշյալ խոսքերի միջոցով մեկ անգամ ևս հաստատվում և հավերժացվում է այն հավիտենական ճշմարտությունը, որ Աստվածային խոսքը երբեք չի հնամուտ, չի մաշվում, ինչպէս մաշվում են մեր զգեստներն ու ձորձերը:

Եթե հետադարձ մի հայացք ձգեմք պատմության խորքերը մեր Տեր Հիսուս Քրիստոսից 700 տարի առաջ, կտեսնենք, որ կար ընդամենը մեկ ժողովուրդ, որ միաստվածության գաղափարականն ուներ իր մեջ, և հասկացել էր, որ չեն կարող լինել ուրիշ աստվածներ, այլ միայն մեկ Աստված: Այդ հասկացել և ընդունել էր ոչ թե սեփական միջոցներով ու կարողությամբ, այլ՝ աստվածային շնորհով և աստվածային նախախնամությամբ՝ որպէս Աստծո մեկ քայլը դեպի մարդկությունը, դեպի իր ստեղծագործությունը: Այդպիսի մի ժողովուրդի մեջ Եսայի մարգարեն, 700 տարի Քրիստոսից առաջ, իրեն բավարարված չի զգում որպէս Աստծո պատգամաբեր և խոսնակ, չի բավարարվում այն վիճակով, որ այդ ժողովուրդն ունի մեկ Աստծո գաղափարը և գաղափարականը, այլ ցանկանում է այդ ժողովուրդի մեջ տեսնել իրական Աստծո նկատմամբ պարկեշտ կեցվածք ու վերաբերմունք: Նա տեսնում է, որ իր ժամանակի հրեա ժողովուրդը, մեկ Աստծու գաղափարը դարձնելով իր սեփականը, իր գաղափարախոսության հիմքերից մեկը, չի նայում դեպի իրենցից ներս, իր հոգուց, մտքից և սրտից ներս, այլ բավարարվում է միայն այն գիտակցությամբ, թե ինքը, մյուս բոլոր հեթանոսների հետ համեմատած, ավելի առաջավոր դիրքերում է, ավելի աստվածաշատական դիրքերում է և, ավելին, ըստ իր հայեցակետի, ավելի մոտ է կանգնած Աստծուն:

Եսայի մարգարեն, տեսնելով մարդկանց հոգու և սրտի հեռացումը Աստծուց, դատապարտում է իր ժամանակի վարքն ու բարքը և ասում, որ եթե հրեա ժողովուրդը շարունակի մնալ աստվածաճանաչության այս մակերեսային վիճակի վրա, շատ շուտով մեկը մյուսին՝ եղբայրը եղբորը, հայրը որդուն մոտենալու և ասելու է. «Դու վերարկու ունես, համղերձներ ունես, այսինքն՝ մեծահարուստ ես,

արի՛, եղի՛ր մեզ իշխան, որպեսզի մեր կերակուրը դու հայթայթես»։ Այսինքն՝ որպես չափանիշ է վերցնելու ոչ թե իշխանավորի կամ իշխանի՝ Աստծո նկատմամբ ունեցած կեցվածքը, դիրքորոշումը, իր աստվածաբան վարքն ու բարքը, այլ իր ունեցվածքը, հարստությունը և, որպես ակնկալություն, ոչ թե աստվածային շնորհը, այլ կերակուրը՝ ժամանակի հետ կապված և ժամանակի հետ զնացող։

Եսայի մարգարեի այս առարկայական, հրական և իրապաշտական խոսքերին հաջորդում են աստվածային մյուս կանխատեսումները։ Քանզի մարգարեն ասում է, որ եթե ժողովուրդը մոտենա իր կենցաղին ու կենցաղակերպին ա՛յս մտածումով և հայեցակետով, շատ շուտով մահուկներն են լինելու իշխանները և խաբեբաներն են լինելու իրենց տերերը։ Իսկ երբ մահուկները լինեն իշխաններ ու խաբեբաները դառնան տերեր, այն ժամանակ կգա ժողովրդի կործանումը, այն ժամանակ այլևս մեծահարուստների ունեցվածքը, փողը, հանդերձները և կերակրի առատությունը չեն փրկի ժողովրդին։ Կգա կործանումը, որովհետև ներքին, ոգու սովի առկայությունը ժողովրդին կտանի դեպի կործանում։ Իշխաններն այլևս չեն մտածի ժողովրդի քարոքության մասին։ Նրանք միայն հանապազօրյա հացը կտան ժողովրդին և, այդ քչով նրանց բավարարեցնելով, վերջիններիս հայացքը կհեռացնեն երկնքից։ Եվ խաբեբաները, դառնալով ժողովրդի տերերը, իրենց ստով դեպի մոլորություն կտանեն մարդկանց և կպառակտեն ժողովրդին։ Իսկ ժողովուրդը չի կարողանա միասնական ճակատով հանդես գալ բազմաստվածյան այն հեթանոսական աշխարհի դեմ, որի առջև կոչված էր վկայելու մեկ և ճշմարիտ Աստծուն։

Եսայի մարգարեի այս խոսքերը, ինչպես ասացի, հնչել և իրականացել են ավելի քան երկու հազար վեց հարյուր տարիներ առաջ, որովհետև իրապես հրեա ժողովուրդը չկարողացավ հոգով ու մտքով մոտենալ Աստծուն, այլ միայն մարմնով մերձեցավ և, որպես դրա հատուցում, իր իշխաններն ու տերերը իրեն լքեցին։ Ինքը դարձավ օտար երկրների և թշնամի ազգերի գերի, ենթարկվեց ասպատակություններին։

Այսօր, երկու հազար վեց հարյուր տարի հետո, մենք մեկ անգամ ևս վերընթերցեցինք Եսայու խոսքերը։ Ըստերիս համար թերևս դրանք մնացին որպես պատմության մի արձանագրություն։ Ըստ հաճախ մենք մատենագիրներից նույնպես ընթերցում ենք և ընթերցում ենք որպես պատմական իրադարձությունների մի շարադրանք, որ այս փաստը տեղի է ունեցել այսինչ կամ այնինչ թվականին։ Սակայն այդ փաստի շարադրմամբ ու մանավանդ այդ փաստի շարադրման հետևում թաքնված աստվածային նախախնամության լույսի տակ չենք կարողանում կողմնորոշել, կանխորոշել մեր ընթացքն ու ճանապարհը։ Այսօր մենք, որպես հայ ժողովուրդ, որպես հայ մարդիկ, երբ կարդում ենք Եսայու այս սպառնալիքը, արդյոք այդ խոսքերը մեզ ուղղված չե՞նք զգում, արդյոք մենք որպես հայեր, որպես հայ քրիստոնյաներ, որ հպարտանում և պատեն կամ անպատեն առիթով հայտարարում ենք, թե առաջին քրիստոնյա ազգն ենք, այսօր արդյոք հոգով, մտքով ու ճշմարտությամբ երկրպագո՞ւմ ենք այն Աստծուն, Ում մեր հայրերն ընդունեցին 1700 տարի առաջ։ Երբ պահը գալիս է մեր իշխաններից, մեր տերերին ընտրելու, արդյոք չե՞նք նայում նրանց հարստությանը, դիրքին, ունեցվածքին, սրա կամ նրա բարեկամ լինելու հանգամանքին և, մասնավորապես, որպես ակնկալություն, այն փաստին, թե նա մեզ տալու է օրվա

Քաղցր՝ որպես կերակուր, այսինքն՝ հոգալու է մեր մարմնակամ, զուտ ստամոքսային կարիքները:

Վերջին այս մի քանի տարիների ընթացքում արդյոք մենք որպես ժողովուրդ այս զգացումով չմոտեցա՞մք, արդյոք երբևիցե անդրադարձա՞մք մեր արածին, երբ ընտրեցինք մեր իշխանին ու տիրոջը այնպիսի մի մարդու, ով ոչ թե հարստությամբ, դիրքով, բարեկամների առատությամբ, տված խոստումներով ու ակնկալիքներով մեզ գրավեք, այլ՝ Աստծո նկատմամբ իր կեցվածքով, Աստծո նկատմամբ իր պաշտամունքով, Եկեղեցու նկատմամբ իր ակնածանքով և հարգանքով, Սուրբ Սկիհի և Սուրբ Հաղորդության նկատմամբ մեծ երկյուղածությամբ, մոտենալով ու հաղորդվելով Քրիստոսի ճմարիտ Մարմնին և Արյանը:

Մենք, երբ մոտենում ենք իրականությանը այն տեսակետից, Եսայի մարգարեի խոսքերի այն լույսի տակ, տեսնում ենք, որ մարգարեի խոսքերն այսօր ուղղված են նաև մեզ: Ուղղված են նաև մեզ, որովհետև մենք նույնպես մեր շրջապատում իշխաններ և տերեր ենք ուզում տեսնել նրանց, ովքեր հարուստ են և կարող են մեզ առօրյա հացով, սոսկ կերակրով ապահովել, ամոենում ենք մարգարեական այն կանխատեսումը, որ եթե այդպես մոտենանք մեր կյանքին ու կենցաղին՝ մանուկներն են լինելու մեր իշխանները և խաբեբաներն են դառնալու մեր տերերը:

Այստեղ մեկ անգամ ևս, առօրյա կյանքում տեսնում ենք, որ շատ հաճախ մեր գլխին որպես տեր և իշխան ենք կարգել խաբեբաներին ու մանուկներին: Եվ քանի դեռ կշարունակենք այս մոտեցումը և չենք քննի մարդկանց կեցվածքն Աստծո ու Եկեղեցու հանդեպ, երբեք չեն ցամաքի մեր շուրթերից դժգոհության խոսքերը, չենք դադարի դժգոհել, բամբասել, ամենուր պատեն կամ անպատեն առիթով մեր վրդովմունքը հայտնել իշխանությունների, այսօրվա տերերի նկատմամբ: Այսօրվա այն իշխաններն ու տերերը, ովքեր մանուկ են կամ խաբեբա, Պողոս Առաքյալի խոսքով (Հռոմ. ԺԱ 18), կարծելու են, թե իրենք, որ ճյուղերն են ծառի, արմատ են պահում, այլ ոչ թե արմատն է պահում իրենց: Մինչդեռ, և՛ իրականության մեջ, և՛ փոխաբերական իմաստով, վստահ ու համոզված ենք, որ արմատն է պահում բունը, իսկ բունը՝ ճյուղերը: Մենք՝ բոլորս, լինենք իշխանավոր կամ առանց իշխանության, ճյուղերն ենք միևնույն ծառի, որ կոչվում է ազգ, և այդ ազգը ուրիշ բան չէ, եթե ոչ՝ Եկեղեցի, որովհետև մեր ազգն ամբողջովին և ամբողջության մեջ 1700 տարի առաջ դարձավ Եկեղեցի, երբ միասնաբար, որպես մեկ միտք և մեկ հոգի, մկրտվեց Քրիստոսի ավազանում և հավատաց ու ազգովին դարձավ այն միասնությունը, այն հավաքականությունը, որը Սուրբ Սկիհի շուրջ ուրիշ բան չենք անվանում, եթե ոչ՝ Եկեղեցի:

Այսօր որևէ մեկս, որ ճյուղերն ենք այդ ծառի և այդ արմատից ենք սնվում, որ է քրիստոնեությունը և Քրիստոնեական Եկեղեցին, երբեք իրավունք չունենք պարծենալու, մտածելու և ամբարտապան մոտեցումով կարծելու, թե մենք ենք պահում արմատը, մենք՝ այսօրվա ճյուղերս ենք սնում և սնուցում արմատը: Պողոս Առաքյալի խոսքերի համաձայն, Աստված է տալիս այդ սնունդը արմատից դեպի ճյուղերը: Նա կարող է կտրել այն ճյուղը, որը գոսացած է և հետո նույն տեղում պատվաստել այնպիսի մի ճյուղ, որն ավելի ապագա է խոստանում այս հսկա աշխարհի պարտիզպանին, որ ոչ այլ ոք է, եթե ոչ Աստված:

Ուրեմն, սիրելի՛ եղբայրներ և քույրեր, երբ վերընթերցում ենք Աստվածաշունչ Մատյանը, լինի՛ Նոր Կտակարանը կամ Հին Կտակարանը, լինեն դրանք մեզանից

Ռեռու-Ռեռավոր հազարամյակներ առաջ արտասանված խոսքեր, որոնք իրենց մեջ Աստծո շունչն են պարունակում, կամ լինեն մեզ մոտիկ Սուրբերի կամ Եկեղեցու Հայրերի կողմից արտասանված խոսքեր, դրանք վերընթերցելիս պետք է միշտ այդ տողերին նայենք ու մոտենանք մեր այսօրվա կյանքի և իրականության տեսանկյունից, համեմատենք այն ժամանակվա արտասանված խոսքերի ճշմարտացիությունն այսօրվա իրականության հետ: Եկեք համեմատենք ու կտեսնենք, որ թերևս աստվածային շատ խոսքեր այսօր ավելի, քան երբևիցե, մեզ են ուղղված: Մենք կարող ենք սրբագրել մեր թուրք այն սխալները, որոնք թույլ ենք տվել այս տարիների ընթացքում, որպեսզի ապագայում նման սխալներ թույլ չտանք, որպեսզի Աստված մեզ օրհնի որպես ժողովուրդ, որպես ազգ և որպես Եկեղեցի, որպեսզի մենք կարողանանք Աստծո առաջ ճշմարտապես, քրիստոնեականել կենսածքով հանդես գալ, չհպարտանալ Աստծո առաջ նաև մեր ունեցած-չունեցածով, որը դարձյալ ուրիշ բանի արդյունք չէ, եթե ոչ Աստվածային օրհնության և Աստվածային շնորհի: Աստված Պողոս Առաքյալի խոսքերով մեզ օրհնելու է, մեզ պատվաստելու է իրոք այն ծառից, որը երբեք չի չորանալու: Իսկ այդ ծառն այն Հաղորդությունն է, որ մենք Քրիստոսով ստացել ենք, Քրիստոսով շարունակում և շարունակելու ենք ստանալ հազարամյակներ, մինչև Քրիստոսի վերջնական գալուստը:

Մենք, որպես փոքրիկ Ռոտ, որպես ժողովուրդի մի փոքրիկ մասնիկ, պետք է ունենանք այդ գիտակցությունը և այդ պատասխանատվությունը՝ մեզ վրա վերցնելու այն բեռը, այն քաղցր լուծը, որ մեզ տրվել է Աստծո և իր Միածին Որդու միջոցով: Երբ զգանք այդ լուծը և հասկանանք, որ այն, որքան էլ ծանր, բայց քաղցր է, այն ժամանակ կկարողանանք մեր ազգի հարցերը լուծել իրատես նայվածքով, Աստծո շնորհով և Աստծո նախախնամության մեջ: Այն ժամանակ մեր լեզվից, մեր բերանից այլևս դժգոհության խոսքեր չեն ՌՁՀի, այլ՝ օրհնության խոսքեր, որոնցով կօրհնենք Աստծուն՝ ամեն ինչի Արարչին, կօրհնենք մեր եղբայրներին ու քույրերին, ովքեր քաղմապատկում են Աստծո արարչագործության պտուղներն այս աշխարհում: Եվ ահա այն ժամանակ Աստված իր շնորհը, օրհնությունը և սերն անխտիր կտաքածի մեզանից յուրաքանչյուրի վրա այժմ և միշտ և հավիտյան հավիտենից, ամեն: